

دليل الاستقبال تسجيل الغرف خطوة بخطوة

كل اللي تحتاج تعرفه بشأن تسجيل حجز، وتسكّن نزيل، وتسجّل خروجه — من الموبايل أو الكمبيوتر.

النادي اليوناني — دهب

اقرأ مرة واحدة، وبعدها الصفحة الأخيرة تكفيك.
الوقت المطلوب: ربع ساعة.

المحتويات

١. الدخول للتطبيق
٢. الشاشات الست
٣. شاشة اليوم — قلب الشغل
٤. حجز جديد
٥. تسجيل وصول النزير
٦. تسجيل الخروج
٧. النظافة
٨. البحث عن حجز وتعديله
٩. مشاكل شائعة وحلها
١٠. كارت أول يوم

١ الدخول للتطبيق

التطبيق يفتح من المتصفح، مفيش حاجة تتحمّل. تقدر تحطه على الشاشة الرئيسية للموبايل زي أي تطبيق.

١ افتح الرابط اللي وصلك من المدير في المتصفح.
من الموبايل: من قائمة المتصفح اختر «إضافة إلى الشاشة الرئيسية» عشان يفتح بضغطة واحدة بعد كده.

٢ في شاشة تسجيل الدخول اضغط على **دخول الموظفين** — مش «دخول المالك».

٣ اكتب اسم المستخدم وكلمة المرور اللي المدير إداهملك، واضغط **دخول**.
لو ظهرت خانة «رمز الفندق»، اكتب الرمز اللي إداهولك المدير. بيتحفظ على الجهاز فمش هتكتبه تاني.

هتفضل داخل

الجهاز بيفضل مسجّل دخول حتى لو قفلت المتصفح. مش هتكتب كلمة المرور كل مرة. لو الجهاز مشترك مع حد تاني، اضغط **تسجيل الخروج** لما تخلص ودية.

لو الدخول مش راضي يفتح

مفيش قفل على الدخول، بس لو الرسالة بتقول «اسم المستخدم أو كلمة المرور غير صحيحة» أكثر من مرتين — كّلم المدير بدل ما تخمّن. هو يقدر يغيّر لك كلمة المرور في ثانية.

في الموبايل الشريط تحت خالص، وفي الكمبيوتر على الجنب. دي كل الشاشات اللي هتحتاجها:

الشاشة	بتستخدمها إمتى
اليوم	أول ما تفتح التطبيق. فيها كل غرفة وحالتها، ووصول ومغادرة النهاردة.
التقويم	لما حد يسأل «عندكم فاضي يوم كذا؟» — بتشوف الشهر كله قدامك.
حجز جديد	لما حد يحجز — بالتليفون أو واتساب أو واقف قدامك.
الحجوزات	لما تدور على حجز موجود عشان تعدّله أو تلغيه.
النزلاء	بيانات النزلاء الرسمية (الاسم والجنسية ورقم الإثبات).
النظافة	الغرف اللي محتاجة تنظيف، وتعليمها إنها خلصت.

في «المزيد» هتلاقي كمان **التقارير وسجل العمليات والإعدادات** — دول للمدير، مش هتحتاجهم.

دي الشاشة اللي هتفضل مفتوحة قدامك طول الوردية. فيها ٣ حاجات:

أ. الأرقام فوق

الغرف المشغولة، مغادرة النهاردة، وصول النهاردة. نظرة سريعة على اليوم.

ب. رّف الغرف

كل غرفة كارت بلونها. اضغط على أي غرفة تفتح تفاصيلها والإجراءات اللي عليها.

اللون	معناه	تعمل إيه
متاحة	فاضية ونضيفة، جاهزة لنزيل.	تقدر تحجزها فوراً.
مشغولة	فيها نزيل ساكن دلوقتي.	اضغط عليها لتسجيل خروجه أو تمديد إقامته.
تحتاج تنظيف	النزيل خرج والغرفة لسه متنصفتش.	لا تسكّن فيها حد قبل ما تتعلّم «نظيفة».
خارج الخدمة	معطلة بسبب صيانة.	مش هتظهر في الغرف الشاغرة أصلاً.

«مشغولة» و«تحتاج تنظيف» حاجتين مختلفتين

الغرفة ممكن تكون فاضية ومتسخة، وممكن تكون مشغولة ونضيفة. التطبيق بيفرّق بينهم عن قصد — عشان متسكّنش نزيل في غرفة لسه ما اتنصفتش.

ج. وصول ومغادرة النهاردة

جدولين تحت الرّف: مين جاي النهاردة ومين ماشي. جنب كل واصل زرار تسجيل الوصول.

الترتيب مرتَّب زي المكالمة بالضبط: مين بيكلمك، إمتي، أنهي غرفة، خلاص.

١ ابدأ برقم التليفون واضغط **بحث**.

لو النزيل ساكن عندنا قبل كده، اسمه هيثملى لوحده وهتشوف كام مرة جه. ده بيمنع إننا نعمل صقّين لنفس الشخص.

٢ اكتب اسم النزيل لو مطلعش لوحده.

٣ حدّد الدخول، وبعدين اضغط كام ليلة؟ ← **ليلة واحدة** **ليلتان** **٣ ليالٍ** **٧ ليالٍ** — تاريخ الخروج بيتحسب لوحده.

مهم: خانة التاريخ بتكتب الشكل بتاع الموبايل نفسه، وساعات بتخط الشهر قبل اليوم. عشان كده تحتها سطر أخضر بيقول التاريخ بالكلام مع اسم اليوم — «من الاثنين، ١٧ أغسطس ٢٠٢٦ إلى الخميس، ٢٠ أغسطس ٢٠٢٦». راجع السطر ده، مش الأرقام.

٤ من الغرف الشاغرة اضغط على الغرفة عشان تختارها — الكارت بيتلّون. بعدها اختار عدد الأفراد من القائمة اللي بتظهر جواه. تقدر تختار أكثر من غرفة لنفس الحجز — اضغط عليهم واحدة واحدة.

٥ اختار مصدر الحجز (واتساب، مكالمة، حضور مباشر...) واكتب أي ملاحظات مهمة. زي «وصول متأخر» أو «سرير زيادة». الملاحظة دي هتفضل على الحجز وأي حد يفتحه هيشوفها.

٦ اضغط **تأكيد الحجز** تحت. هيطهرلك رقم الحجز (زي GR26-0001). ده الرقم اللي تدوّر بيه بعد كده.

حيلة توفّر عليك الكتابة: الصق رسالة الواتساب

فوق خالص في شاشة حجز جديد فيه زرار **الصق رسالة واتساب**. انسخ رسالة النزيل من واتساب والصقها هناك — التطبيق هيقراً منها التواريخ والاسم والرقم وعدد الأفراد لوحده.

اللي بلون أصفر معناه إن التطبيق مش متأكد منه — راجعه بنفسك قبل ما تكمل.

لو ظهرلك «النزيل ده عنده حجز قائم في نفس الليالي»

معناه إن نفس الاسم أو نفس الرقم عليه حجز شغال في نفس التواريخ، والتطبيق بيوريك رقمه وغرفته. ده تنبيه مش منع.

- لو ده نفس الطلب اتسجل مرتين — اقفل واتأكد من الحجز القديم، متعملش تاني.
- لو النزيل عايز يقعد أكثر أو يغير تواريخه — اقفل، وروح عدّل الحجز القديم من تغيير التواريخ.
- لو ده فعلاً حجز تاني (عيلة واحدة بغرفتين مثلاً) — علّم على «أيوه، ده حجز تاني فعلاً» وكمل عادي.

غرفة واحدة مستحيل تتحجز مرتين

لو حد تاني حجز نفس الغرفة في نفس اللحظة، التطبيق هيرفض ويقولك «تم حجز الغرفة منذ لحظات». مش هتلاقي نفسك مسكّن اتنين في غرفة واحدة أبداً — التطبيق بيمنعها من الأساس.

٥ تسجيل وصول النزيل (التسكين)

لما النزيل يوصل فعلاً ويستلم المفتاح:

١ من شاشة اليوم، في جدول وصول اليوم، دور على اسمه.

٢ اضغط تسجيل الوصول جنب اسمه. خلاص.

٣ الغرفة هتبقى مشغولة على طول في رقم الغرفة. لو حصل ده، يبقى تم. مش محتاج تعمل حاجة تانية.

ولازم تسجل بياناته الرسمية

من شاشة النزلاء افتح اسمه واملأ: الاسم كامل زي الإثبات، الجنسية، رقم الإثبات (جواز أو رقم قومي)، وتاريخ الميلاد.

ده مطلوب رسمياً من الفنادق في مصر. اعملها والإثبات في إيدك — مش بعتدين.

التطبيق مش هيمنعك لو البيانات ناقصة، بس هيفضل يعلم عليها «يحتاج مراجعة» لحد ما تكملها.

٦ تسجيل الخروج

١ من رفّ الغرف في شاشة اليوم، اضغط على غرفة النزيل.

٢ اضغط تسجيل خروج .

٣ الغرفة هتتحوّل تحتاج تنظيف وهتتضاف لشاشة النظافة لوحدها. وهترجع متاحة للبيع فوراً — يعني تقدر تحجزها لنزيل جديد من دلوقتي.

لو النزيل هيمشي قبل ميعاده

مش تسجيل خروج عادي. روح **الحجوزات** ← افتح حجزه ← **مغادرة مبكرة** واكتب تاريخ الخروج الجديد. ده بيصلّح الحساب والليالي مع بعض.

لو النزيل عايز يقعد أكثر — أو يغيّر تواريخه

روح **الحجوزات** ← افتح حجزه ← **تغيير التواريخ**. تحط الدخول والخروج الجديدين وتحفظ. كل غرف الحجز بتتحرك مع بعض والحساب بيتضبط لوحده.

ماتحجزش حجز جديد عشان يقعد أكثر

لو النزيل قاعد ٣ ليالي بدل ليلة، عدّل نفس الحجز. حجز تاني معناه الغرفة محجوزة مرتين لنفس الشخص، والحساب بيتقسم على حجرين والنزيل بياخد ورقتين.

لو الغرفة محجوزة في التواريخ الجديدة

التطبيق هيرفض ويقولك رقم الغرفة ومين حاجزها. ساعتها إما تغيّر التواريخ، وإما تنقله لغرفة تانية من نقل إلى غرفة أخرى.

تقصير الإقامة بيطلب كلمة مرور المدير

تزويد الليالي مش بيطلب حاجة — النزيل واقف قدامك بيطلبها. لكن تقليل الليالي بيقلل الحساب، فبيطلب كلمة مرور المدير زي المغادرة المبكرة.

ولنزيل ساكن دلوقتي، تقدر كمان تمدد من رفّ الغرف: اضغط غرفته ← **تمديد الإقامة** ← تحقق.

شاشة واحدة، زرار واحد لكل غرفة. معمولة للموبايل عشان تتفتح وإنت واقف في الدور.

١ افتح شاشة النظافة. فوق هتلاقي **تحتاج تنظيف** — دي الأولوية.

٢ أول ما الغرفة تخلص، اضغط **خلصت** جنبها.

٣ الغرفة بتترجع **متاحة** في رفّ الغرف على طول. يعني الاستقبال يعرف من غير ما يسأل حد إن الغرفة بقت جاهزة.

«معطلة» مش من صلاحيتك — دي للمدير لما تكون فيه صيانة.

شاشة الحجوزات: اكتب في خانة البحث الاسم، أو رقم التليفون، أو رقم الحجز.

الفلتر	بيوريك
الحالية والقادمة	اللي ساكنين دلوقتي واللي جايين. ده اللي هتستخدمه ٩٠٪ من الوقت.
اليوم	حجوزات النهاردة بس.
المنتبهة	اللي خرجوا خلاص.
الملغية	الملغي واللي محضروش.

اضغط على أي حجز يفتحلك ورقة فيها كل حاجة: الغرف، الإقامة، الحالة، والإجراءات.

الإجراءات اللي على الحجز

الزرار	يستخدم إمتق
تغيير التواريخ	النزيل غيّر يوم الوصول أو المغادرة — أو عايز يقعد أكثر.
مغادرة مبكرة	النزيل ساكن وهيمشي قبل ميعاده.
تسجيل عدم حضور	حجز مؤكد والنزيل مجاش خالص. الغرفة بترجع للبيع فوراً.
إلغاء الحجز بالكامل	النزيل ألغى قبل ما يوصل.
إلغاء الغرفة	حجز فيه أكثر من غرفة وعايز تشيل واحدة بس.

الإجراءات دي بتطلب كلمة مرور المدير

الإلغاء وعدم الحضور والمغادرة المبكرة وتقصير الإقامة كلهم بيطلبوا كلمة مرور المدير. ده مقصود — دي قرارات بتغيّر فلوس. لو محتاج تعمل واحدة منهم، نادي المدير.

لما تلغي، اختار السبب الصح

الإلغاء بيسألك السبب من قائمة، ولازم تختار قبل ما الزرار يشتغل:

السبب	يعني إيه
النزيل غير رأيه	اتصل وقال إنه مش جاي.
تغيير التواريخ أو الغرفة	مكانش ينفع تعدّل فعملت حجز جديد.
حجز مكرر	الحجز ده اتسجل مرتين بالغلط.
غلط في التسجيل	بيانات غلط من الأساس.
سبب ثاني	هيفتحلك خانة تكتب فيها.

ليه ده مهم

لو «تغيير التواريخ» بيتختار كتير، ده معناه إن حاجة في التطبيق صعبة عليكم — وساعتها بتتصلّح. الخانة اللي بتكتب فيها أي كلام مابتقولش حاجة لحد.

اللي بيحصل	اعمل إيه
النت قطع	التطبيق هيفضل شغال. تقدر تشوف الغرف وتسكّن وتسجّل خروج وتعلّم النظافة. اللي بس مش هيشغل: تأكيد حجز جديد وتسجيل الدفعات. ه يظهر لك شريط أصفر بيقولك.
عايز تحجز والنت مقطوع	اكتب الحجز عادي وهيتسجّل «مبدئي». ده مش حجز مؤكد — الغرفة لسه ممكن تروح لحد ثاني. أول ما النت يرجع، افتح شاشة حجز جديد وأكّده.
«تم حجز الغرفة منذ لحظات»	حد سبقك بثواني. حدّث الصفحة واختار غرفة ثانية.
غرفة مش ظاهرة في الشاغرة	يا إما محجوزة في التواريخ دي، يا إما معطلة. شوفها في رّف الغرف تعرف السبب.
نفس النزيل اتسجّل مرتين	عشان كده ابدأ دايماً ببحث برقم التليفون قبل ما تكتب الاسم.
سجّلت حاجة غلط	مفيش حاجة بتتمسح في التطبيق ده — بتتصحّح. كلّم المدير، هو يقدر يصلّحها والسجل بيفضل كامل.

ملاحظة للأسبوع الأول: الأسعار لسه ما اتحطتش

هتلاقي كل الحجوزات مكتوب عندها ٠ ج — يعني صفر جنيه. ده طبيعي ومقصود — الأسعار هتتحت بعدين، والفلوس دلوقتي بتتسجّل في السيستم الثاني زي ما هي.

عشان كده الأسبوع ده: متبعتش للنزيل «رسالة تأكيد واتساب» ولا «بيان الحساب» من التطبيق — هيطلعوا بإجمالي صفر. باقي الشاشات كلها اشتغل عليها عادي.

كارت أول يوم

لو مش فاكّر حاجة من الدليل كله، ده اللي محتاجه:

حجز؟ ابدأ بالتليفون

حجز جديد ← بحث برقم التليفون ← كمل.

افتح على «اليوم»

الرّف بيقلّك حالة كل غرفة بلون واحد.

النزيل ماشي؟

اليوم ← اضغط غرفته ← تسجيل خروج.

النزيل وصل؟

اليوم ← وصول اليوم ← تسجيل الوصول.

بتدور على حجز؟

الحجوزات ← اكتب الاسم أو الرقم.

الغرفة اتنضفت؟

النظافة ← خلصت.

النت قطع؟

كمل شغل. الحجز الجديد بس هيبقى «مبدئي».

عايز تعدّل حجز؟

التواريخ والاسم والأفراد: من ورقة الحجز، من غير كلمة مرور.
الإلغاء وتقصير الإقامة: كلمة مرور المدير.

أهم ٣ عادات

- ابدأ أي حجز ببحث برقم التليفون — بيمنع تكرار النزلاء.
- سجّل بيانات الإثبات والنزيل قدامك — مش بعدين.
- سجّل الخروج أول ما النزيل يمشي — عشان النظافة تعرف، والغرفة ترجع للبيع.

Easyroom — دليل الاستقبال · لأي حاجة مش واضحة، كلم المدير.